

letere, e di Franza, di l'orator nostro, di 25, 26, 27 et 28, il sumario scriverò qui avanti, venute in questi zorni.

Poi fo leto una *letera di Brexa di sier Andrea Trivixan el cavalier, provedador*, di certo caso seguito, et fu posto, per li Consieri, darli licentia poterli dar taia *ut in parte*, pagando la taja di beni di delinquenti, si non ne sarà de li ofesi, vol dar. *Item*, darli libertà bandirli di terre e lochi nostri, che sono et sarà, con taja. *Item*, un'altra taja di l'orator di la comunità di Orzi domino Bonaventura Zanacha dotor, fo qui; qual ritornato de li è stà morto, *ut in parte*: 9 de no.

Fu posto, per li Savii, suspender li pagamenti di le camere per do mesi, excepto le porte e la fabrica di Padoa, et li danari siano mandati de qui, et si l'ocoresse per i do terzi dil Colegio si possi dar licentia pagar *ut in parte*; et cussi se intendi suspesi li pagamenti di officii di questa terra per do mesi, *ut supra*. Ave 136 de si, 19 di no, nulla non sinceri.

Fu posto, per sier Zuan Dolfin, sier Marco Foscarini, sier Lorenzo Orio dotor avogadori extraordinarii, avendosi a introdur a questo Consejo *de brevè* il caso di sier Zuan Emo e sier Michiel Trivixan e altri, aziò sia più numero, per rimover le pregerie sono stà fate, sia preso che tutti di questo Consejo, siano ubligati venir quando si chiamerà il Consejo per questo, soto debito di sagramento et pena ducati 10 per uno, et li Avogadori possi exequir la dita parte, e cadaun di loro, contra quelli non vegnirano, salvo justo impedimento di malatia etc. Ave 44 di no, 132 de si, et fo presa.

Fu posto, per li Consieri, scriver a l'orator nostro in corte, in confirmation di pre' Zuane Trivixan electo da li parochiani piovàn di San Cassan in loco dil defunto: et fu presa: 180, 2.

Fo, per il Canzelzier grandò, exortato tutti quelli hanno oferto a Gran Consejo, et quelli hanno oferto prestar in Pregadi, debano portar li danari, *aliter* saranno publicati il primo Gran Consejo, et fati in loco loro: et cadaun se dia mover in tanto bisogno di la Republica a portar li danari *ut supra*; et cussi exortò tutti facesseno.

Fo poi balotà il scurtinio di do Savii a terra ferma, uno in locho di sier Alvise di Prioli, ha refudato, per mexi 6, e l'altro di sier Justinian Morexini, è andato capitano a Bergamo, per mexi 3. Tolti numero 17, rimaseno: sier Ferigo di Renier, fo avogador di comun, qu. sier Alvise, per mexi 15* sei, et sier Alvise Gradenigo, fo Cao dil Consejo di

X, qu. sier Domenego el cavalier, per mexi tre; i qual chiamati a la Signoria, introno.

Et licentiatò Pregadi a hore mezza di note, restoe Consejo di X con la zonta fino ad hore 3 di note.

Scurtinio di do Savii a terra ferma.

Sier Pandolfo Morexini, è ai X savii,	
qu. sier Hironimo	101. 96
Sier Zuan Arseni Foscarini, fo avogador di comun, qu. sier Bortolomio	39.158
Sier Thomà Contarini, fo di la zonta, qu. sier Michiel	54.139
Sier Beneto Dolphin, è di Pregadi, qu. sier Daniel	84.116
Sier Andrea di Prioli, è di Pregadi, qu. sier Marco, qu. sier Zuan procurator	87. 97
Sier Andrea Contarini, è di Pregadi, qu. sier Ambruoso	94. 97
Sier Marco Gradenigo el dotor, fo di Pregadi, qu. sier Bortolamio . . .	58. —
Sier Vettor Capello, fo synico e provedador di terra ferma, qu. sier Andrea	82.116
Sier Francesco da cha' da Pexaro, l'avogador di comun, qu. sier Marco	90.103
Sier Andrea Mozenigo el dotor, è di Pregadi, di sier Leonardo, qu. Serenissimo	71.121
Sier Francesco Zorzi, è di Pregadi, qu. sier Hironimo el cavalier	70.150
Sier Zuan Minoto, è di la zonta, qu. sier Giacomo	100.100
† Sier Ferigo di Renier, fo avogador di comun, qu. sier Alvise	125. 77
Sier Lunardo Venier, fo provedador a le biave, qu. sier Bernardo . . .	56.147
Sier Piero da cha' da Pexaro, fo cao dil Consejo di X, qu. sier Nicolò.	101. 95
† Sier Alvise Gradenigo, fo cao dil Consejo di X, qu. sier Domenego el cavalier	119. 75
Sier Zuan Antonio Dandolo, fo di Pregadi, qu. sier Francesco	84.113

A dì 9. La matina, fo letere di campo, di 8, di 16 Villafrancha, dil provedador Gritti e dil provedador Gradenigo, qual fono lecte con li Cai di X.

In questa matina, introe Avogador di comun sier